

Broj: 101- 4895-1/22DŽS-865
Zenica, 01.04.2022.godine

Postupajući u skladu sa Zaključkom Ureda za razmatranje žalbi, broj: JN2-03-07-1-585-8/22 od 17.03.2022.godine, u vezi sa konkurentskim postupkom Nabavka reparaturnih obujmica objavljenog putem Obavještenja o nabavci broj: 439-7-1-605-3-120/21, u skladu sa članom 26. i 27. Statuta Javnog preduzeća «Vodovod i kanalizacija», imajući u vidu Rješenje o djelimičnom usvajanju žalbe, broj: 101-2604-3/22 MS od 18.02.2022.godine, direktor Javnog preduzeća «Vodovod i kanalizacija» d.o.o. Zenica donosi

O D L U K U
o poništenju postupka za nabavku

I

Poništava se postupak javne nabavke za nabavku reparaturnih obujmica iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d) Zakona o javnim nabavkama.

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Dana 18.02.2022. godine, rješavajući po uloženoj Žalbi ponuđača Vodokok d.o.o. Tomislavgrad, izjavljenu protiv Odluke o izboru najpovoljnijeg ponuđača, broj: 101-1292/22 HH od 04.01.2022. godine, ugovorni organ je donio Rješenje o djelimičnom usvajanju predmetne Žalbe i to u dijelu koji se odnosi na ponudu ponuđača BIHEXO d.o.o. Sarajevo. Naime, postupajući po navedenoj žalbi Komisija za nabavke je još jedanput izvršila pregled i ocjenu zaprimljenih ponuda, kako slijedi:

- ponudu ponuđača Vodokok d.o.o. Tomislavgrad Komisija za nabavku je ocijenila kao neprihvatljivu iz razloga što ponuđač Vodokok d.o.o. Tomislavgrad u priloženom kataloškom listu nije naznačio da li je gumena obloga zalijepljena na spojnicu, a traženo je da ista bude profilisana i zalijepljena te je ponuda ponuđača Vodokok d.o.o. Toomislavgrad odbačena u skladu sa članom 68., stav 4., tačka (i) Zakona o javnim nabavkama BiH.

-ponudu ponuđača BIHEXO d.o.o. Sarajevo Komisija za nabavku je ocijenila kao neprihvatljivu iz razloga što ponuđač BIHEXO d.o.o. Sarajevo nije dostavio svu potrebnu tehničku dokumentaciju i potrebne dokaze o kvalitetu i to u odnosu na tehničke zahtjeve definisane u tački 5. Tenderske dokumentacije, te je ponuda ponuđača BIHEXO d.o.o. Sarajevo odbačena u skladu sa članom 68., stav 4., tačka (i) Zakona o javnim nabavkama BiH.

Ponuđač Vodokok d.o.o. Tomislavgrad je i na predmetno Rješenje uložio Žalbu, broj: 32/2022 od 24.02.2022. godine, koju je ugovorni organ, zajedno sa dokumentacijom postupka nabavke reparaturnih obujmica, prosljedio na odlučivanje Uredu za razmatranje žalbi.

Dana 28.03.2022. godine ugovorni organ je pod brojem: 403-4895/22 zapirmio Zaključak Ureda za razmatranje žalbi broj: JN2-03-07-1-585-8/22 od 17.03.2022. godine kojim se Žalba odbacuje kao neblagovremena.

Obzirom da su u predmetnom postupku zaprimljene ukupno dvije gore navedene ponude, te da su obe zaprimljene ponude od strane Komisije za nabavku ocijenjene kao neprihvatljive za ugovorni organ, postupajući po Zaključku Ureda za razmatranje žalbi, broj: JN2-03-07-1-585-8/22 od 17.03.2022.godine, a imajući u vidu Rješenje o djelimičnom usvajanju žalbe, broj: 101-2604-3/22 MS od 18.02.2022.godine primjenom člana 69., stav 2., tačka (d). Zakona o javnim nabavkama, odlučeno je kao u dispozitivu.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Direktor:

Pašalić Emir, dipl.ing.građ.



DOSTAVLJENO:

- 1 x Ponuđačima
- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1x Tehnička služba
- 3 x Članovima Komisije
- 1 x Sekretar Komisije
- 1 x a/a